

四庫全書

集部

欽定四庫全書

宛陵集卷十一

宋 梅堯臣 撰

謁雙廟

以下湖州後詩

八月過宋都泊舟雙廟側永懷此忠良遺烈傳碑刻五
位儼朝裾千年同血食當時多苟生貴爵曾誰識縱今
有邱墳都已荒荆棘古人非輕死於義實罕得英骨化
埃塵令名同鳥翼飛翔出後世景慕無終極豈若目前
榮未沒聲已息西登孝王城王氣由邦國

送弟禹臣赴官江南

昔與子同歸夜向瓜洲泊持杯月正清
逝水平如削爾來蘆岸深須防虎潛搏
行行無朋友遇事自斟酌

和永叔晉祠詩

并州古來稱近胡山雄氣壯民足儲
山根晉水發源處平如皎鑑潛決疏
漸流漸急不可測以至灩澦鳴清渠
豈惟俯可見毛髮況乃了了看龜魚
下溉平田幾百頃
稻苗穠秬曾不枯興亡莫問隨水遠
廟深草樹空扶疎

伊君持節過其下愛此佳趣聊停車北望故城無舊物
決潁野色連邱墟已向風前聽好鳥只畏落日聞蒼狐
晉人須識漢使美冉冉青顙似綠蒲

得李殿丞端州硯

蛟龍所窟處其石美且堅蠻匠斲爲硯漢官求費錢持
歸向都邑爭乞如瓦墼豈識萬里險謬竊好事傳

書謝師厚至

爾來哭爾姑清淚滴塵几一聞在目言不謂今則死而

猶意遠行所念當至止秋風忽助號萬木欲推毀

詠蘇子美庭中千葉菊樹子

生與衆草生不與衆草榮彼皆春爭葩茲獨秋吐英千
葉共一萼百蒂共一莖幽亭聳扶疎獨本非揅撐吾友
蘇子美有酒對自傾香隨青陵蝶色映黃金鶯昨日偶
來過頗興陶令情豈敢復言詩君家有子卿

新冬傷逝呈李殿丞

惡老今逼衰孤寂仍足悲寒風一夜起曩事無不思手

澤在故物默歷非故時夢寐猶平常反悟恨莫追人生
苦情累安得木石爲賴有同舍郎相語彊解頤

送趙升卿之韶幕

舟車歷盡險風物乃還君俎肉應多味虞韶不復聞林
鳴異音鳥山冒欲晴雲若弔張丞相空祠舊近墳

蘇子美竹軒和王勝之

庭無十步廣有竹纔百个子時哦其間賓交或來和琴
壺置于旁圖籍亦在左誰憐脩脩影只畏寒日過誰憐

青青枝下有暗葉墮我期霰雪時來聽幽聲臥應當爲
設榻勿使賞心剴持以報主人此闕不可破

偶書寄蘇子美

君詩壯且奇君筆工復妙二者世共寶一得亦難料我
今或盈軸體逸思益峭有如秋空鷹氣壓城雀鷁又如
飲巨鍾一舉不能酬既酬心已醉顛倒視兩曜吾交有
永叔勁正語多要嘗評吾二人放檢不同調其於文字
間苦硬與惡少雖然趣尚殊握手幸相笑

寄題洪州李氏涵虛閣

耳熟滕閣美未爲豫章遊近聞東湖上可見西山頭朝
愛雲氣生暮數島行幽主人趣向遠登覽日不休父兄
已三人挂冠此遲留他年儻一往風物詠可周

送蕭祕校

比從江南來又從江南去孤舟隨鴈羣晚泊定何處霜
橙可爲齋冰鱸思下箸此興吾不知薄言聊所慕

送李殿丞通判處州

拜官將近親不畏千里險泝流上贛水石亂波驚颭舟
人素已諳曲折就迴閃豈虞失便利倚慣憂亦掩昔余
從平流悸夢尚成魘今逢子方去青紵絲新染沙頭有
候吏端立板方欽鴻鴈正來翔競看朱服儼

古劍篇送蔡君謨自諫省出守福唐

生銅夜夜鳴剡鐵未嘗缺主人久提攜何事贈離別
借問豈酬恩請看鐔上血休慙補履功出處異施設

雜興

主人有十客共食一鼎珍一客不得食覆鼎傷衆賓雖
云九客沮未足一客嗔古有弑君者羊羹爲不均莫以
天下士而比首陽人

送逐客王勝之不及遂至屠兒原

犯霜出國門送客客已去猶意行未遠策馬過寒戍川
長不見人沙沒前岡路始聞雲木深忽逢朱亥墓金鉏
一報恩義烈垂行素何須文學爲寄語長沙傅

送周仲章太博之鉅野

仲月霜氣嚴朝來厚如雪鴻鴈各南飛羽毛將恐折征
塗履以足侵骨寒於鐵得罪此爲輕君恩大懽悅

鄴中行

武帝初起銅雀臺丕又建閣延七子日日臺上羣鳥飢
我我七子宴且喜是時閣嚴人不通雖有層梯誰可履
公幹才俊或欺事平視美人曾不起五官褊急猶且容
意使忿怒如有鬼自茲不得爲故人輸作左校濱於死
其餘數子安可存紛然射去如流矢鳥鳥聲樂臺轉高

各自畢逋誇彙尾而今撫卷迹已陳唯有漳河舊流水
親郊前三日大慶殿雪中皇帝率群臣發章聖

五后冊

將郊先奉冊拜立未央廷天表君心孝人驚曉雪零
流紛點綴劒佩溼晶熒曲蓋曾無用羣臣敢自寧鑪煙
靜齋幄井氣凍宮餅明日來壇下中宵已見星

忠上人攜王生古硯誇余云是定州漢祖廟上
瓦爲之因作詩以荅

硯取漢廟瓦誰恤漢廟墮重古一如此吾今對之悲既
寶若圭璧未知爲用時

讀後漢書列傳

漢家誅黨人誰與李杜死死者有范滂其母爲之喜喜
死名愈彰生榮同犬豕

異同

吾聞聖賢心不限親與疎義殊目前乖道同異代俱堯
舜及周孔千載趨一塗盜跖誚孔氏弟子將黨歟蹠自

驅其衆日念殺不辜河濱捧土人海畔逐臭夫塞川豈
量力同趣即爾徒爾既不自過反以此爲紆

蔡仲謀遺鯽魚十六尾余憶在襄城時獲此魚
留以遲歐陽永叔

昔嘗得圓鯽留待故人食今君遠贈之故人大河北欲
膾無庖人欲寄無鳥翼放之已不活烹煮費薪棘

雜擬

忽聞敵騎渡河水月魄夜骨陰貂寒獨侍金輿立城角

龍蛇不展繞旗竿

荅中上人卷

吹笛皆學龍吹笙皆學鳳又於笙笛間高下不相中得
其精者稀得其麤者衆況於真出音千載不復夢爲爾
學笙歟頗已臻妙弄

送蘇子美

勇爲江海行風波曾不懼但欲尋名山扁舟無定處南
有鵬若鶚臉有石若鋸毒草見人推短狐逢影怒不避

尚苦乖更遠饒瘴霧東土乃濱海屬置甌仍可怖殼物怪
瑣屑羸蜺固無數鹹腥損齒牙日月復易飫二方既若
此往矣無久駐竟當西北來醉耐炙肥羜夏不厭漿酪
冬不厭雉兔勿言專口腹口腹人所務天台信奇偉石
橋非坦步廬岳趣最幽飢腸看瀑布此致雖爲高實亦
難久慕君行聽我言不聽到應悟

晚歸聞李殿丞訪別言已屢來不遇

蕭條一陋巷頻日見馬蹄歸來稗子告有客云將睽始

知君其南復歎我向西豈不懷念慕吾親書新齋曰吾
五男子愛惜無不齊所要立門戶安用同犬雞齷齪守
此客馴馴戀此棲二季留左右足以共挈攜身許遠就
祿幸又奉阿嬭今年還都下路喪子與妻囊罄厭外役
進退類藩羝終當改江邑儻得致音題

刁景純將之海陵與二三子送於都門外遂宿
舟中明日留饌膾

人言汴水駛奈何已冬乾蔡雖平且慢臘月行亦難唯

聽夜冰合爲君愁苦寒暫維青絲紉邀膾白玉盤行人
反飮我於理殊未安所忻能自養不復道加餐

寄洪州致仕李國博

湖上悠然度幾春勇拋榮祿遂天真青蒲翠竹圍華屋
白酒黃雞命里人果下有時乘小駟兒曹方見擁朱輪
田園歲入千鍾美肯似疎家苦畏貧

同謝師厚宿胥氏書齋聞鼠甚患之

燈青人已眠飢鼠稍出穴掀翻盤盂響驚聒夢寐輟唯

愁几硯撲又恐架書齧癡兒効貓鳴此計誠已拙

聞子美次道師厚登天清寺塔

二三君少壯走上浮圖巔何爲苦思我平步猶不前苟
得從而登兩股應已攣復想下時險喘汗頭目旋不如
且安坐休用窺雲煙

謝師厚歸南陽效阮步兵

一日復一朝一幕復一旦與子相經過少會不言散我
心終未極歲月忽云晏嘶馬思長道孤鳥逐前伴駕言

慕儔侶懷抱若冰炭南臨白水湄風雪振高岸意恐慈
母念疾馳節已換解劔登北堂幼婦笑粲粲弊裘一以
縫征塵一以澣而我客大梁衣垢自悲歎

師厚明日歸南陽夜坐有懷

明朝子當去我若雲失龍龍歸雲未歸索莫將安從半
夜出戶望參畢已正中倏然變陰黑烈烈鳴窗風窗鳴
不得寐擁被一悲翁

永叔贈酒

大門多奇醞一斗市錢千貧食尚不足欲飲將何緣豈
能以口腹屈節事豪權閉戶飽於齋作詩涌如泉一日
復一夕醒日常不眠窮臘忽可怪雙壺故人傳呼兒欲
自酌瓦盞無完全其能饔甘脆而況侑天妍却令情懷
惡分與富貴偏收拾不復嘗排置屋角邊儻宜嘉客至
傾倒相與顛何暇問濃薄但覺窗扉旋誰識我爲我賓
主各頽然始得語且橫既醉論益堅曾不究世務閑氣
爭古先畢竟兩未決辨吻空流涎嗟我儒者飲聒耳無

管絃雖云暫歡適終久還愁煎首甘不偶死寧慕金印
懸願頻致此物勿恤瘡擔肩

得山雨

急雨射蒼壁濺林跳萬珠山根水壅壑漫竅若注壺

范殿丞通判秦州

天水出名馬多稱黃金羈正值羌已和邊草復離離
肥固未失所蘊不得施主人本燕客寧獨事書詩志尚
功名間管樂猶一時去去勿復道磊落爲男兒

陳繹越州從事

母夫人老母兄黜夫人從爾之會稽恐傷爾心不敢泣
春岡細雨聞竹雞時亦藏淚未出臉奈何相與頭傾低
誠知就祿非獲已應欲退耕無舊畦

辛著作知西京永寧

躍馬西畿今家塋在洛陽衣霜寒食雨花發故宮牆冷
澹鳩鳴屋寬閑水滿塘送君悲漸老空憶釣伊魴

依韻和師厚別後寄

吾與爾別未及旬吾家依舊甌生塵閉門不出將誰親
自持介獨輕貨珍盤餐豈有鹹酸辛苦吟輟寢昏繼晨
夜光忽怪來何頻採拾若在滄浪垠和者彌寡唯陽春

普淨院佛閣上孤鶻

我新稅居見寺閣金碧照我破屋前日看閣上聚鳩鵲
巢棲飲哺忘窮年雕檐畫壁屎污徧以及像塑頭與肩
寺僧不敢施彈射忽有蒼鶻張毒拳鴉鳴鵲噪鸛鵒叫
怒鶻來此窺腥羶鶻心決烈不足畏瞥碎一腦驚後先

死鳥墮空未及地返翅下取如風旋獨當屋脊恣撻磔
啄肉披肝腸弃捐老鷗無藝又很怯盤飛欲近飢目穿
逡巡鶻飽自飛去爭殘不辨鳥與鷺群兒指點路人笑
我方吟憶秋江邊

蜂

春風無主撩亂時分羣養子各守脾爭掇花腴爲臘蜜
年年共割不我稽俄逢主人若過慮畏爾有蠶成噬臍
密將惡物毒爾族爾曾不得同醢雞王雖爾名爾何補

造甘爲利乃自取

並遊

並出慙羸駕康衢嬾著鞭
蹇驢能勝馬辟道去如煙
何用嗟遲疾從來有後先
所期皆一至我到爾應還

寄宣州可真人

昭亭山色無纖塵
昭亭潭水見游鱗
長松碧篠入古寺
石上高僧度幾春

元夕同次道中道平叔如晦賦詩得閒字

金輿在閭闔簫吹滿人寰九陌行如畫千門夜不關星
通河漢上珠亂里閭閻誰與聯輕騎宵長月正閒

正月十五夜出遊

不出只愁感出遊將自寬貴賤依儔匹心復殊不歡漸
老情易厭欲之意先闌却還見兒女不語鼻辛酸去年
與母出學母施朱丹今母歸下泉垢面衣少完念爾各
尚幼藏淚不忍看推燈向壁臥肺腑百憂攢

同次道遊相國寺買得翠玉嬰一枚

古寺老柏下叟貨翠玉嬰獸足面以立瓜腹肩而平虛
能一勺容色與藍水并我獨何爲者忽見目以驚家無
半鍾畜不吝百金輕都人莫識寶白日雙眼盲

送惠勲上人

遽告我行何所之東南爾土爾自知山水佛事不暇說
去何速兮來何爲公卿貴人見爾喜爲爾買屋勾爾資
王城幸可樂歲月野鶴終是思陂池去去雲霞不容侶
却應來此如前時

聞賣韭黃蓼甲

百物凍未活初逢賣菜人
乃知糞土暖能發萌芽春柔
美已先薦陽和非不均
芹根守天性憔悴澗之濱

董著作嘗爲叅謀歸話西事

子說頗驍勇築城收漢疆
提兵無百騎偷路執生羌
大將罪專輒舉軍皆感傷
歸來出萬死羸馬亦摧藏

戲寄師厚生女

生男衆所喜生女衆所醜
生男走四鄰生女各張口
男

太守詩書女大逐雞狗何時某氏郎堂上拜媼叟

薛中舍宰聞喜

秦人宦于秦百事順耳目山川我已疎風物予所熟維
美行邁時親賓祖車轂空將離別心欲出無童僕

聯句 附

古木含清吹池上增晚涼余懷本達曠

謝少卿

聯此傲羲

皇孤鷗可與狎

絳

幽岸足以觴幸有彭澤酒

堯臣

便同

永嘉堂潘生起爲壽

維

王子齊陳章林端見新月

衍

草

際聞寒螢照水螢影亂

良臣

拂筵蓼花香徘徊戀嘉境

坐使歸興忘

少卿

希深洛中冬夕道話有懷善慧大士因探得江

字韻聯句

彼有上人者妙談心所降

希深

達空知不二觀行本無

雙

堯臣

久阻飄花席因思響雪窗

希深

社中雖得遠方

外自非龐

堯臣

夢幻慙他劫風塵厭此邦

希深

終期親

道樹何必憶重江

堯臣

希深本約遊西溪信馬不覺行過據鞍聯句

有意訪西溪順塗吟思迷及茲詢野老已恨過芳蹊

希

深醉客但多興幽禽空自啼無由駐金勒林表日光低

堯臣

同希深馬上口占送九舅入京城親聯句

之子洛中來芳樽喜暫開人誇阿連少吾媿士衡才

希

深丹闕鳳皇去清川鴻鴈迴都門春色美相送思悠悠

堯臣

玉麈尾寄傅越石聯句

齋中獨何物持之想見君惟茲玉麈尾信美而有文夫
子善談道疊疊詞如雲在握昔同色傾坐今離羣絳況
託懷袖好曾親蕙蘭薰常許助開放於馬探典墳既乃
阻清燕復屈驅蛭蚊自殊白團扇未畏秋葉紛堯臣

風瑟聯句

竅竹漏天風張絃擬嶧桐佳名從此得妙響未曾窮希
深夜靜危臺上人閑皎月中依依聽不足秋露滿蘭叢

堯臣

冬夕會飲聯句

與君數夜飲唯恐酒盞空今我苦欲淺堯臣語志難此

同陳編侑歡適謝景初間謔何魁雄婢子寒且倦堯臣主

人哦不窮燈青屢結花景初煎響時鳴蟲穴鼠暗出沒

堯臣風鴈高雍容冰霜覆瓦屋景初貂狐輸貴翁孤牀

乏暖質堯臣苦語有澹工咀嚼患景初小煨炮驚殼

紅落蟾斜入竅堯臣遠漏微遞風醉心欺睡魄景初細

書刺昏腫呌呀聞爭犬哮吼厭啼驟撥火亂顙豆附灸
雙彎弓乾果硬迸齒堯臣寒齋酸滿胃枯蛤擘無肉澹

脯燒可饗語必造聖賢樂已過鼓鐘紙窗幸未曙景初

絮被令旋縫凍痺兩股鐵跑抓雙鬚蓬脰尿既嬾溺視
蝨唯欲烘器皿足缺臙捧執無妖穠兒女寒不寢堯臣

僮僕困欲嘗豈無富貴徒笑此飢寒蹤丈夫固有負道
義久已充墨子不黔突齒輩且得封勉哉梅夫子塞者

終自通景初

問答

送九舅
席上作

金鑿落

希深問

留贈行人須滿酌銀餅況有宜城醪及取

春風花照灼

小屏風

問希深

座隅流塵素影融方牀六尺偃清晝慙無

玉枕名通中

玉蟾蜍

希深問

廁君筆硯誠有諸可愛亭亭寒月照瑩然

四座凝冰壺

金錯刀

問希深

連環交刃吹風毛美人贈我萬錢貴何必

翦犀誇孟勞

青雲梯

問希深

尺木爲階行勿迷勸修道業生羽翼天門

九襲須攀躋

鳳于飛

問希深

差差粹羽今逢時桐花正美商雪亂家庭

玉樹須來儀

宛陵集卷十一

欽定四庫全書

集部

宛陵集卷十二至
四

詳校官庶吉士臣張溥

檢討臣何思鈞覆勘

覆校官博士臣劉光第

校對官主簿臣汪日贊

謄錄舉人臣曹夢齡

謄錄監生臣林李

欽定四庫全書

宛陵集卷十二

宋 梅堯臣 撰

擬李益竹窗聞風寄苗發司空曙

窗前風動竹聲碎
影仍繇衝扉忽自啓
出誤初迎門驚
雀枝未定乳蜂窠
暫翻飄飄一舉袂
聊更遲來轅

擬宋之問春日翦綵花應制

上林花未有中禁
綵先成葉逐剪刀
出蕊從妝粉生紅
繇內人手香染侍
臣纓不是將春競
天心重發榮

郡閣閱書投壺和呈相國晏公

較量人世無窮樂羅列平生未見書聊奉投壺祭征虜
休言擊劒馬相如畫樓晚去聞寒角縹帙看來落蠹魚
日獲誨言皆舊學不慙貧賤帶經鉏

梅花

江南臘月前溪上照水野梅多少株豔薄自將同鵲羽
粉寒曾不逐蜂鬚桃根有妹猶含凍杏樹為鄰尚帶枯
楚客且休吹玉笛清風飄盡更應無

擬張九齡詠燕

眇眇雙來燕，長年與社違。
任從新歷改，只向舊巢歸。
永日當人語，輕寒逆雨飛。
自親梁棟慣，不識海鷗機。

遲雪

風號大澤晚，雲覆女牆低。
驚霰夜將集，廣庭朝復迷。
鶯鳴寒蔽日，鴈泊凍生谿。
會待飄花密，開軒意外題。

欲雪復晴

陰雲不成雪，碧瓦有絳霜。
日氣生簾額，冰條結井牀。
飛

烏鳴自樂古木晝仍殭誰意斗晴後苦寒勝北方

送蒙寺丞赴郢州

郢國當時唱猶傳白雪真問今非昔日和者幾何人客
自射飛鴈漁能供躍鱗芳洲墮馬處吾祖漢名臣

聞角

一聲催客夢星斗轉西檐風卷梅花去愁從柳塞添馬
鳴霜滿鬣龍泣凍生顙高樹朝光動城頭落海蟾

和人雪意

凍雲低垂野遠樹昏未分朝來庭竹上撼撼霰已聞扣
門有兵吏嘉命傳相君趨閣展熊席卷幔飄爐薰桂漿
貯榼美馬乳薦實資賓屬兩三人從容奉評文遠稽先
儒言風賦可以群密置筆與硯唯待雪雰雰雪既不可
待日暮人半醺明朝獲方楮健思欲凌雲

詠楊高品馬廐猢猻

嘗聞養騏驎辟惡繫獼猴供奉新教藝將軍舊病偷聊
看綠柱杪尚想傍崖頭更祝南州使如拳試爲求

和欲雪二首

貂裘著不暖牙帳曉初開朔氣還先及流風亦屢催擬
聞人詠絮將見使傳梅公復憂民畝龍沙幾日來
雪欲漫天落雲初著地垂臂鷹過野健走馬上冰遲公
子多論酒騷人自詠詩都無少年意只臥竹窗宜

梅花

已先群木得春色不與杏花爲比紅薄薄遠香來澗谷
疎疎寒影近房櫳全枝惡折憎鄰女短笛橫吹怨楚童

墜萼誰將呵在鬢蕊殘金粟上開蟲

和十一月八日圃人獻小桃花二絕

當時開向杏花後今日綻當梅萼前不畏雪霜何太甚
繖英如火滿枝斑

前占寒食一百六算到其時未合開丹豔已先灰管動
不由人力與栽培

和梅花

時時不甘春著力年年能占臘前芳水邊攀折此中女

馬上覲尋何處郎山舍更清裁作援鳳樓偏巧學成妝
園枝密葉都如雪野雀飛來翅合香

再送蒙寺丞赴郢州

彎弓落飛鳥少也向幽州來作漢官屬恥為戎國留身
輕拋馬轡地暖厭孤裘慣見顏如玉江邊問莫愁

擬王維觀獵

晏相公坐
中探賦

白草南山獵調弓發指鳴原邊黃犬去雲外阜鵬迎近
出長陵道還看小苑城聊從向來騎回望夕陽平

擬陶潛止酒

多病願止酒不止病不已止之懼無歡雖病未宜止且
欲止人事事止不經耳次誦止足言行當止田里田里
止誰親止樂山水美既止何所助唯酒與止喜以言止
不止未必止為是止酒儻不瘳枉止徒可恥止亦隨化
遷不止等亦死慎勿道止酒止酒乃君子

擬杜甫玉華宮

松聲溪色古中有鼯鼠鳴廢殿不知年但與蒼崖平鬼

火出空屋未繼華燭明暗泉發虛竇似作哀絃鳴黃金
不變土玉質空令名當時從輿輦石馬埋棘荆獨來感
舊物煎懷如沸羹區區人世間誰免此虧盈

擬韋應物殘燈

照此寒夜中欲殘紅燼尾空堂滅復明獨宿擬山鬼

和十一月十二日與諸君登西園亭榭懷舊書

事二首

冬日蕭條公府清獨將諸吏上高城而今何處異疇昔

鐵墓下聞狐夜鳴

沙徑依然見莎葉蓮塘無復有蓮花更看白水滿城下
說著當時龍骨車

和小雨

蛟龍溼白霧天外細濛濛霑土曾無迹昏林似有風卷
旗妨酒舍濕翅下洲鴻稍見斜陽透西雲一半紅

擬韓吏部射訓狐

黃昏月暗妖鳥鳴
屹然鈍質麤豪聲
憑凶自異立屋角

潛事宵吻欲我驚豈知慣聞此醜狡呼集鬼物夸陰獍
夕盜雞雛無畏避曾遭彈射沉泥坑汝今病翼未甚愈
還作舊態侵平明陽烏瞳瞳出東海照汝宜喪膽與精
何爲世人苦憎汝汝常盜物資已榮儻有弓矢勿汚辱
殺此非得去惡名養雛四三已相似眼腦實異鸞皇生
一朝車輪翅墮地狐鼠入穴梟黨烹

得韓持國書報新作茅廬

聞君作茅廬正在西軒西定移舊蔬圃稍改新藥畦其

高如伯鸞況亦有隱妻今方漢德盛不必之會稽

和新晴

雲開日照戟衣寒
淨埽平沙路已乾
吏散庭除少公事
畦挑芽甲足春盤
要聽林上鳴禽變
試步塘陰綠水寬
誰詠陳根有微綠
烏蟾易失似跳丸

清躬詩

所稟介且拙
嘗恥朋比爲皎皎
三十年半語曾未欺身
微德不著尚使人見疑
省已當自責實負聖相知
聖相

雖明察不假束蘊辭扣言已可罪引去豈非宜

嘗惠山泉

吳楚千萬山山泉莫知數其以甘味傳幾何若飴露大
禹書不載陸生品嘗著昔惟廬谷亞久與茶經附相襲
好事人砂餅和月注持參萬錢鼎豈足調羹助彼哉一
勺微唐突爲霖澍疏濃既不同物用誠有處空林耀面
僧安比侯王趣

糟淮白

寒潭縮淺瀨空潭多鮪魚網登肥且美糟漬奉庖厨昔
聞漁父賢嘗勉楚人舖楚人懷沙死葬腹千歲餘今茲
有遺意敢共杯盤疎

和臘前

漢家戌日看看近雲景蒼茫已歲昏欲驗方書治百藥
預調飛走獵平原土人熏肉經春美宮女藏鈎舊戲存
獨把凍醪驚節物草芽微動見庭萱

題臘藥

尚書晏相公臘日投壺輸詩七首便
以臘日所用物賦先成四首上呈

顏顏早覺衰乃藉藥扶持及此季冬自預脩來歲宜鼎
成無犬見蜜煉有蜂知借問月中兔長年何所爲

臘酒

韋氏月錄云臘
日造四月成

汲井輓轡鳴寒泉碧甕盛欲爲三伏美方俟十旬清夢
憶黃公舍徒聞韋氏名熟時梅杏小獨飲效淵明

臘脯

畋獵得封獸割鮮爲脍脩易甘非愛日不敗任經秋可
用資賓豆何妨鄙薦脯考之新月錄美脆勝庖牛

臘筍

南山深竹養

去

下有鷓鴣鳴破臘初挑筍

呂氏春秋曰和之美竹越

之輅

誇新欲比瓊薦盤香更美案酒味偏清馬援當時

見曾將禹貢評

伏波至荔浦見冬筍上言禹貢厥包橘柚疑是謂也

和挑菜

十二月十二日

中園本膏壤始覺氣候偏出土蓼甲紅近水芹芽鮮挑
以寶環刀登之饌玉筵僻遠尚含凍安占春陽前造物
非有意地勢使之然

和臘日

獵鼓逢逢奏寒冰
臙臙消正憐風日暖不似雪霜朝敢
問祠黃石休從擊阜鵬楚郊梅萼未壟麥已多苗

啄木二首

十二月十二日陪
步後園所聞見

城頭啄枯楊城下啄枯桑
朝啄不停味暮啄不充腸
寒風正冽冽蠹穴蟲且殭
况兹園林迴剝剝響何長

食蠹非嫌蠹聲來古木高
誰將琵琶弄寫入相思槽

語鳩

此以上三首補前
投壺所輸七首

客語南方鴈啄蛇掀巨石遂令山中人多竊禹步迹誰
云不可轉鳥啄猶能擲

和淮陽燕秀才

我官忝博士曾昧通經術前因辟書來亦不習文律循
舊臨學宮虎草被羊質倚席未能講占牘聊置日朴鈍
既若茲媿彼啖棗栗今者登俊賢充詔冠庭實邦伯乃
宗公惟帝舊良弼置醴餞以行行行李冬月騏驎入羈
駕千里終不蹶慙予延陰人安得結子韉心雖羨名場

才命甘汨沒祿仕二十年屢遭龍榜揭在昔見麻衣于
今盡超越是以對杯觴謹嚴微敢忽寧唯畏後生自恨
疎節骨有羞羅食案包核備時物里婦或窺觀户下紅
裙出歸應願生男生男付紙筆乃信讀書榮況即服緼
韠長歌食苹詩聲澹異鳴瑟

和石昌言求牡丹栽

昔年樂欄下已多香草名更移花本去聊助日邊榮莫
問西都品存吾舊友許會應包萼吐可與魏姚并帶土

品
歸金谷封根近玉京
謫仙方醉詠不倚錦官城
歐陽永叔有花

和十二月十七日雪

窮冬勁臘已過半
曉雪先春何處來
豈是全資南畝麥
多應不分北枝梅
庭中未許野童埽
林上唯愁狂吹催
莫問兔園同賦客
相如居右最爲才

建溪新茗

南國溪陰暖先春
發茗芽采從青竹
籠蒸自白雲家粟

粒烹甌起龍文御餅加過茲安得比顧渚不須誇

送詹彥迪祕校之粵

風懷山水心夢寐向東越聞爲會稽行獨此羨明發渡
江信春潮泊館食野蕨平時異梁鴻但泛鏡湖月

謝人惠茶

山上已驚溪上雷火前那及兩旗開采芽幾日如能就
碾月一罌初寄來以酪爲奴名價重將雲比脚味甘迴
更勞誰致中濡水况復顏生不解杯

和立春

茲日何所喜所喜物向榮
綵縷作翠柳意先新陽生
塗金鏤爲勝義不首時輕
增年已歎老斗酒聊自傾

和謝仲弓廷評新理北園

園吏乘冬和荷鋤去宿莽
主人因其勤築土截荒壤
移枯復宸缺剗徑就平廣
東北倚高城巖險不可上
愛彼林木深便爲邱壑想
更待春風歸日探花卉長
但願多置酒應得時一往

和謝仲弓廷許栽竹

移得溪邊翠來爲庭下陰惜根存舊土帶筍助新林暗
換蕭蕭葉知虛寸寸心東風莫搖撼培壅未應深

和歲除日

一年三萬六千刻玉漏唯餘十二時去日苦多誰會惜
殘陰全少頗能知已驚顏貌徐徐改不奈烏蟾冉冉馳
萬國明朝賀新歲東風依舊入春旗

明升

在城東南

顯晦有難必孰云幽不明深井發寒泉光若月色盈陰
陽信奇變曷用究厥情譬彼出炎火投薪丹燄成吾人
勿驚異但自汲澣鑿

楊公懿得潁人惠糟鮓分餉并遺楊叔恬

頭尾接清淮淮魚日登網吳純芼羹美楚糟增味爽云
誰得嘉貺曾靡獨爲享乃知不忘義分遺及吾黨

和張秘校得糟鮓

食魚何必食河魴自有詩人比興長淮浦霜鱗更腴美

誰憐按酒敵庖羊

春雪

臘前望盈尺姦縮不忍乞萬物及向榮而反事凝凜與
雨暗爭能不念傷彼茁雖然便消釋終是乖氣律新陽
豈憚沮暴柳未爲屈隨風勢更巧著樹媚且密誰將背
時弃乃欲逞果必摧花自作花旋積旋已失上天施命
令冬春不相匹生物與死物其道安可壹嗚呼此飛雪
何爲在今日

和謝公儀學士正月十七日雨後復雪

本祈春雨成春雪應誤小桃先次開
西漢枚生誰復召南朝何遜自多才
潑除燈火上元去挫却勾萌六出來
前此解衣爭貰酒不知爲瑞與爲災

先是七日祈雨九日霽然至於今

伐桑

二月起蠶事伐桑人阻飢已傷持斧缺不作負薪非聊
給終朝食寧虞卒歲衣月光無隔礙直照破荆扉

夢登天壇

夜夢登天壇壇上兩仙人來時乘白鳳去時乘白麟我
問不我語颯颯山中雨

寒食日過荊山

山郵雖禁火嶺樹自生煙嗚咽同歸櫓悲哀欲問天泣
親非泣玉流淚劇流泉春紫橫刀膾何心更食鮮

過口得雙鰕魚懷永叔

春風午橋上始迎歐陽公我僕跪雙鰕言得石瀨中持
歸奉慈媪欣詠殊未工是時四三友推尚以爲雄于茲

十九載存沒復西東我今淮上去沙嶼逢釣翁因之獲
二尾其色與昔同錢將青絲繩漢筆春畦松公乎廣陵
來值我號蒼穹失怙哀無窮烹煎不暇餉泣血語孤衷
生平四海內有始鮮能終唯公一榮悴不媿古人風

歲寒亭

種花邀青春種柏要晏歲乃知風露前已辨雪霜勢時
俗愛芳菲不妨鳴騶鵠他年都門歸寧昧始終計

澄虛閣

箇圃隔蹢氛開來衣練裙檻邊生靜意水底見微雲斜
照迴晴景幽芳襲薄薰主人多賦詠不減沈休文

舟次泗上逢黃令因以詩送

向曉入汴尾隔河聞人聲得聲不得貌問識舊時名泊
舟忽來及袖詩多賢英言除丹徒宰暫作七閩行東南
幾千里日夕挂帆輕渡江純已老未足助杯羹最知便
道出先見縣人迎

依韻和許發運遊泗州草堂寺之什

入寺豈緣齋阮公方詠懷心將超紫府手欲拍洪崖雲
霧波初淨塵埃鑑已揩但能傾玉醕不假列金釵遠客
歸空速千檣密自挨醒論時事正醉載野巾喝風俗通
吳楚清渾見汴淮遙知香剎外獨與賞心諧

依韻和許發運真州東園新成

疏鑿近東城蕭森萬物榮
美花移舊本黃鳥發新聲
曲閣池傍起長橋柳外橫
河渾遠波漲雨急斷虹明
雲與危臺接風當廣廈清
朱鬕者自躍翠柏種初生
香草猶

能識山苗未得名南峰及西嶺常共酒杯平

宛陵集卷十二

欽定四庫全書

宛陵集卷十三

宋 梅堯臣 撰

禁中瑞竹同本異莖

孤竹二君子聖人知獨清但將奇節並何用首陽名

依韻和集英殿秋宴

殿幄陳金石宮梧集鳳皇侍臣嚴虎帳法袞被龍章九
穀初登稔羣黎共樂康宴盤犀作鎮舞綴錦成行玉盃
盛冰滑紗籠奏饌涼廡深容小語槐密漏微陽庭立衛

魚霍坐尊蕭與張清塵汲瑤井泛宇謁天香獸躍緣幢
地旗開踏鞠場樓傳紅幘唱簾隱內家妝鴟攫曾無彈
蜂來誤有芳門傍銅鑄馬帝所翠爲觴萬國趨王會諸
公佩水蒼螭頭左史筆陞楯半更郎雅著明時樂需言
盛得光添花幕平一賜菊異元嘗身已陪多士心寧媿
下鄉薄才何足補歌詠播殊疆

啼禽

盆繭未成絲破袴勸可脫安知增羞顏赤脰衣短褐

汴堤鶯

古堤多長榆落英鵝眼小其下迅黃流其上鳴黃鳥安
知舟中人黑鬢日已少千里歸大梁玉笛聞竚窈終朝
不成曲幽響在林表莫羨沙路行金鞭馳裊裊

四月二十七日與王正仲飲

我來自楚君自吳相遇汎波銜舳艫時時舉酒共笑樂
莫問罌盜有與無醉憶曩同吾永叔倒冠落佩來西都
是時豪快不顧俗留守贈榼少尹俱高吟持去擁鼻學

雅闋付唱纖腰妹山東腐儒漫側目洛下才子爭歸趨
自茲離散二十載不復更有一日娛如今舊友已無幾
歲晚得子欣爲徒

四月二十八日記與王正仲及舍弟飲

孟夏景苦長與子舟中飲酒行三四巡病嘔聊就寢仲
氏又發霍洞下忽焉甚湯劑不能勝悶絕口已噤我嘔
雖未平驚走豈遑枕叫號使呼醫子怪亦莫諭遽白何
至斯葛巾推小品且尤食物間羶腥失調飣所餉惟豬

雞況此乏箇草以子獨無恙未必因滑瀋稍覺陽脈回
慄膚猶痒痒儻其遂不起孰肯謂素稟吾鄉千里遥幸
免成貝錦

紹巖上人寧親

爾教禁足不出戶盛夏畏蹈螻蟻蹤赤日去省已忘律
曷若冠帶共甘濃

送許州知錄王殿丞

霜花如鵝毛萬里點枯橐曉入蓬池道寒侵蘇合袍重

來社標長舊寄里門高去事黃丞相無辭執板勞

慈氏院假山

風濤春斷越山骨聚集奇險成千峰碧甕爲潭立涎石
直疑崑底藏蛟龍

夜與鄰幾持國歸

紅塵夜不息橫衢若煙霧朝見車馬來暮見車馬去軍
中目炯炯馬上情遽遽交相知是誰飛先無覓處

十月晦夢遊嵩山明日訪宋中道見次道寄宿

岳寺

忽夢嵩峰下同遊失姓名山腰荒輦道崑崙落泉聲黑
石文難辨蒼苔蹟易成他時傳洛詠知是陸雲兄

十一月七日雪中聞宋中道與其內祥源觀燒
香

三日不相見逢人問始知同車侵朔雪臨水拜靈龜絮
撲鴛鴦帶花團蛺蝶枝如何東郭叟足迹自穿綦

和江鄰幾詠雪二十韻

十一月將雪寒誰計有無雲橫凍鵬翼霰集泣蛟珠萬
里風爲使千門玉作樞縞衣來自鄭濤鷺卷從吳積甲
聞熊耳觀鵝入越都庭槐高臃腫屋蓋素糝糊騁巧能
藏醜論功解飾枯巢禽皆白鳳來獸必駟虞遼俗休誇
豕燕丹久望烏袒裘無壯臂附火念焦臚歌竹休王滿
餐毛活使蘇亡羊何可問別鶴不應孤靡密同脂網縈
回似舞姝漸深由片片取重本銖銖日月方收照乾坤
不辨隅雖輕自相壓更潔亦終渝飢虎僵幽谷游龍脫

勁鬚佳人調蜜蔗公子擁貂狐共是空囊客曾非暖席
儒黃昏特過我興與灞陵俱

送張遂州

華省名郎意若西相如橋柱舊曾題已將符節爲邦守
不畏關山入馬蹄千里過秦看素滄三年還蜀度青泥
里門錦綬何爲樂外奏嚴君內阿嬬

送周寺丞宰新鄭

仲冬吉徂征曉月在環玦京水生層冰梅山見殘雪縣

庭槐已古堂壁碑未缺惟吾故交意贈子以為別

尹師魯有

志古
堂記

送余郎中知鄭州

西接都門纔百里壓城殘雪照牙旗風煙古是諸侯國
鴈鶩新來僕射陂餽食且依當日具鑄刑無改昔人爲
濃薰舊舍青綾被不越常衙睡足時

送胡都官知潮州

自昔揭陽郡刺史惟韓侯韓侯初來時問吏瀧水頭到

官諭鱷魚夜失風雨湫乃知抱正直異類尚聽謀潮雖
處南粵禮義無遐陬勿言古殊今唯在政教脩適聞豫
章士勇往登犀舟不畏惡溪惡疊鼓齊歌謳遠持天子
命水物當自囚更尋賢侯迹書上揭陽樓

送晏太祝之宣城監稅

每愛昭亭傍清灘石可數兩岸脩竹林孤城嚴晚鼓自
辨越人言難度楚鄉語郭門春聚船江費無多取

送張正臣赴泰州幕

敲冰冰未泮塞河流玉段輕舸莫言遲古城滄海畔春
皋蘭蕙茁晚井魚鰕亂時平無羽書此樂異王粲

月下懷裴如晦宋中道

九陌無人行寒月淨如水洗然天宇空玉井東南起我
馬臥我庭帖帖垂頸耳霜花滿黑鬣安欲致千里我僕
寢我廩相背背兩已夜深忽驚魘呼若中流矢是時與
我懷顧影行月底唯影與月光舉止無猜毀吾交有裴
宋心意月影比尋常同語默肯問世俗子

願嚏

上辛祈穀
爲獻官

猛虎不獨宿鴛鴦不雙棲
虞舜遊蒼梧帝子夜向瀟湘
啼時旣禪禹妃亦老老淚灑竹無高低
流根及筍駁紅鮮此情乃與天地齊
我今齋寢泰壇下侘傺願嚏朱顏妻

和司馬學士上辛祀事出郊寄馮學士

侵曉度南薰禁鐘猶可聞
春郊微有霰上苑稍藏雲
齋館人相望官橋路已分
寧同鳥鳥樂翔集自成羣

同蔡君謨江鄰幾觀宋中道書畫

君謨善書能別書宣獻家藏天下無宣獻既歿二子立
漆匣甲乙收盈厨鍾王真蹟尚可覩歐褚遺墨非因模
開元大厯名流夥一一手澤存有餘行草楷正大小異
點畫勁宛精神殊坐中鄰幾素近視最辨纖悉時驚吁
逡巡蔡侯得所得索硯鋪紙纔須臾一掃一幅太快捷
檀溪躍過瘦的顱觀書已畢復觀畫數軸江吳種稻圖
稻苗秧秧水拍拍羣鷺矯翼人荷鉏陂塍高下石籠密

竹樹參倚荆籬疎大車立輪轉流急小犢欺顧樺子驅
令人頻有故鄉念春事況及蠶桑初虎頭將軍畫列女
二十餘子拖裙裾許穆夫人尤窈窕因誦載馳誠起予
子無書性無田區美人雖見身老癯舉頭事事不稱意
不如倒盡君酒壺

上元夜雪有感

去年昭亭陽今夜苦風雪及雪在京城宵燈亦將滅石
花廣袖輕梅蕊新妝潔怱怱競還家陌上亂車轍

上元雪

春雪如蝴蝶春燈如百花漫漫飛不已愁殺千萬家我
今無復夢擁被讀南華

送李才元學士知廣安軍

楊柳未堪折柔條時倚風朱輪過灞上杜宇響裊中危
棧憎春雨晴林發曉紅不須言蜀政當自學文翁

送王推官宰上洛先歸關中

跨馬獨歸日春風隨度關客裘將欲綻社燕亦同還洛

水源邊邑秦人隱處山君家有鳬舄切莫向雲間

送信安張從事吉甫兼寄白使君

西洛故人少世家今亦稀
憐君能及祿過我苦言歸
游宦長城下生涯舊國微
使君應借問出處竟多違

送懷州張從事仲賓

行色在車馬西亭新雨過
移家從上黨佐幕向三河
阜英林初暗黃梁酒未和
七賢無復有舊迹尚應多

宛陵集卷十三

欽定四庫全書

宛陵集卷十四

宋 梅堯臣 撰

和李廷老家會飲

四序豈長停寒革春寢和始愛衣裘輕相與車馬過車
馬不畏遠風埃不畏多到門門有槐槐上時鳥歌時鳥
歌猶澀主人當謂何南開石榴軒中置飲酒羸食按施
黃金饌炙厭白鵝漢槽搓頭美吳羹成咄呵既醉或放
言投莊引駘它縱論或好辯排墨同孟軻日將薄虞淵

執策相交摩欲去舉大白酌我苦大苛

正月二十七日江鄰幾杜挺之劉原甫貢甫韓
持國邀飲於定力院

昨日會飲我後至誰欲比我爲王戎笑知卿輩意易敗
起詣便與俗物同似過黃公酒壚下嵇阮不見脩竹中
杳爾山河隔千里此心正有古人風

送宋中道朝陵仍於西都省親

西出虎牢關南瞻園廟戟漢殿拜衣冠魏臺嚴帳帶春

風石闕冷曉氣田塗白早晚下諸陵先過洛陽陌

寄西京通判宋次道學士

當時交友都無幾欲問懽娛亦異今花接上林新木變
水分清洛舊池深嵯峨嵩色雲常在窈窕宮牆草又侵
脩竹千竿白家寺昔年題處可能尋

送晁殿丞鄭州僉判

朝離泌水上夕去野亭賒走馬日衝樹度河風卷沙關
雲來雨脚陂岸長蒲芽共被方爲樂軍中莫慘撾

重送宋中道

隴草陳根發山櫻宿霧蒸將過周故宅先下漢諸陵
穎道春經雨官溝暗溜冰蒹蕀休定價羊酪易爲勝

送涇州良原何葛主簿

春風入邊磧二月沙草生胡馬自偷牧漢農寧廢耕
薄田刈晚穀又餉防秋兵縣版固當重調輕無與程

依韻和永叔見寄

春風約柳一片西欲託鳥翼傳音稽昨朝偶向東城去

草草又逢驄馬蹄長顙御史威正峭沙堤來坐氣吐霓
我乘小馬雖甚瘦喜見驂馭猶解嘶適聞南都接大尹
笑我出處今何迷恥趨捷徑身已老欲至何用頻吹齋
蛟龍失水等蚯蚓鱗角雖有辱在泥困居廢井誰引手
豈得更望青雲梯筆鋒勁發若彊弩餘力曾徹七重犀
倦禽雄雌不飽腹日暮徒念還巢棲大椿朝菌各有盡
此物何怪莊叟齊誠知豪俠自忤樂東郊南陌競鬪雞
胷中有道無廣狹包括宇宙在一梯何時與公去穎尾

湖水漫漫如玻瓈世間會合固不易況乃仕宦多相睽
正似郵亭戀行者未到止息空歌驪我貧尚不給朝夕
焉得負郭置稻畦筋骸幸且稍輕健山水縱好無路躋
儻公他時買田宅願以藜杖從招攜吾兒詩書不足教
亦以助力於耕犁

東城送運判馬察院

春風騁巧如剪刀先裁楊柳後杏桃園尖作辦得疎密
顏色又染燕脂半黃鸝未鳴鳩欲雨深園靜墅聲嗽嗽

役徒開汴前日放亦將浚水歸河槽都人傾望若焦渴
寒食已近溝已淘何當黃流與雨至雨深一尺水一篙
都水御史亦即喜日夜順疾回輕舫頻年吳楚歲苦旱
一稔未足生脂膏吾願取之勿求羨窮鳥困獸易遯逃
我今出城勤送子酤酒不惜典弊袍數塗必向睢陽去
太傅大尹皆英豪試乞二公評我說萬分豈不益一毛
國給民蘇自有暇東園乃可資遊遨

送知和州杜駕部

桐花欲開時羣囀爭哺兒但求黃口飫焉問丹穴饑常
山有四鳥將飛昔已悲中間勿殞逝豈得安其枝一飲
必屢顧每啄必遲遲今朝竟矯翼去向江之湄銜芹不
自食欲遺孤與雌此義實已重莫爲臬所嗤世俗多嫌
忌我胡爲此詩此詩美孝悌持贈杜挺之

送劉郎中知廣德軍

昔在少年時辛勤事諸父諸父爲桃州物宜皆可數事
君勤職貢采茗先穀雨劬農井田桑科蠲重鉏斧城西

大靈祠指意初似禹將通吳境河身自同豕伍期婦來
餉時壇上必鳴鼓一爲烏所誤愧恨去不覩至今存遺
堤五丈立堅土正如開轆轤黃熊慙啓姥功利欲及民
血食宜簋簠祠後有高山山頭攢棟宇此實諸父爲禾
麻可就俯歲登有樂事或亦作歌舞賦詩當清明解襖
思洛浦其言在黑石往往被樂府于今三十年追想漸
成古公將乘朱輪去問民疾苦治術自有具薄言無所
補缺將陳迹書又且劇莽鹵

送洛南周寺丞

畋家在華山

將去洛南宰日聞庭下松亂山歸四隱舊墅隔三峰狹
谷車能入春林雨易逢地多椒與漆貨必厚於農

賦石昌言括蒼石屏

括蒼黃石屏樹如濃墨寫根深稱條葉生意絕蕭灑或
聞造物手立意先真假指是龜澠摹能同自然者天下
莫復言物亦逢知寡

寄致仕張郎中

代人

門榮世美高天下身退心閑住洛陽
畫鶴能同薛少保
愛書還比蔡中郎
花陰小酌呼鄰父
月下清吟埽石牀
不問從來生計薄
題籤盈閣是家藏


送錢駕部知邛州

細雨梅初熟
輕寒麥已秋
路危趨劔道
夢穩過刀州
秦粟非吳食
巴稷類越疇
當壚無復舊
試似長卿求

文惠師贈新筍

劉累死龍不馴
世間士不識
真有真物實
去人或在山

亦隱鱗或多孫山水濱奮雷轟轟萬里春厚土圻裂窮
蟄振牙甲戢戢不可數削掘誰怕天公嗔煮之按酒美
如玉甘脆入齒饒流津荆吳易得梁宋少二年不食思
無因豈意今朝忽有遺不忍獨饗呼吾鄰



宛陵集卷十四

欽定四庫全書

集部

宛陵集卷十五至十七

詳校官庶吉士

臣張溥

檢討臣何思鈞覆勘

覆校官博士

臣劉光第

校對官主簿

臣汪日贊

謄錄監生

臣林李

欽定四庫全書

宛陵集卷十五

宋 梅堯臣 撰

觀何君寶畫

燕馬易畫吳牛難圖馬骨隱細牛骨麤馬毛要密牛毛
疎麤疎必辨別細密多模糊乃知戴嵩筆能出韓幹徒
幹馬精神在韉勒嵩牛怒鬬無牽拘昨日何家觀小軸
絹雖破爛色不渝二頭相觸角競倚前腳如跪後腳舒
尾株擲直脊脊蹙筋力寫盡蹄腕殊一勝一敗又苦似

勝者狠逐敗者趨卷窮赤印置小字置字乃是陶尚書
尚書國初人愛畫收幾厨買時不惜金與帛帛載羊車
錢載驢後世兒孫不能保賣人窮市無須臾凡目矜新
不重故千錢酬直皆笑愚四牛遂爲何氏有裝背入眼
天下無坐中吾儕趣已異又喜玄女傳兵符此本實稱
閻令畫下筆簡細容顏姝三人鬼狀一牛首八女二十
美丈夫黃帝中間陰葩蓋霞扇錯玳旌擁朱冠服難知
歲月遠但見儀衛森清都復觀鹿臺獨夫受妲己不笑

何由娛酒池肉林騎行觔剖心斲脛堪悲吁數幅吳王
宴西子綵舟張樂當姑蘇宮娥數百簇高下鬢髻一一
紅芙蓉危峰細浪得平遠前對洞庭傍太湖商紂夫差
可垂誠歷世傳玩參盤孟鵬鷹草木不足記特詠此事
心何如

送任太博歸省西都

人言少保持家謹載見西京萬石君子舍今歸浣裙切
里門重戒下車勤田園一一能為計僮僕訢訢亦有聞

我負洛陽山水久試因行色寄嵩雲

送少卿張學士知洪州

朱旗畫舸一百尺五月長江水拍天穩去先應望廬岳
暫來誰復見龍泉閣經吏部重為記山識吳王舊鑄錢
往迹可尋軍士少賸書遺逸附青編

觀楊之美畫

天官乘車建朱旗赤幡前亞風卷披二龍緩駕蒼髯垂
印箱傍挈文籍隨雙驂推輓如畏遲行從冠服多威儀

水官自有真龍騎兩佐並跨鯨尾螭步趨羣吏怪眼眉
雲生海面無端涯雷部處上相與期人身獸爪負鼓馳
後有同類挾且挺次執電鏡風囊吹青蛇有角魚足翳
上下引導神所施地官既失不可知此畫傳是閻令爲
設色鮮潤筆法奇絹理膩滑雞子皮吳生龍王多裂隳
八軸展玩忘晨炊李成山水曉景移黃荃花竹雀擁枝
韓幹馬本摸搭時神駿多失存毫釐日高腹枵眼眈眈
邂逅獲見何言疲厚謝主翁意不衰他日飽目看無遺

李審言遺酒

大梁美酒斗千錢，欲飲常被飢窘煎。
經時一滴不入口，漱齒費盡華池泉。
昨日靈昌兵吏至，跪壺曾不候報箋。
赤泥圻封傾瓦盎，母妻共嘗婢流涎。
鄰家葡萄未結子，引蔓垂過高牆巔。
當街賣杏已黃熟，獨堆百顆充盤筵。
老年牙疎不喜肉，況乃下箸無腥羶。
空腸易醉忽酩酊，倒頭夢到上帝前。
賜臣蒼龍跨入月，不意正值姮娥眠。
無人來顧傷玉兔，便取作腊下九天。
拔毛為筆筆如椽。

狂吟一掃一百篇其間長句寄東郡東郡太守終始賢
切莫汲竭滑公井留釀此醕時我傳

送邵郎中知潭州

張鏡疊吹洞庭外緣虎帶刀蠻帥迎且諭漢家綏撫厚
莫言湘守事權輕木奴洲近霜包熟班竹林昏野鳥鳴
賈誼宅邊寒井在暫留千騎漱餘清

送楊叔恬應北京辟

昔時見子宛邱下丞相待子知子賢子於文字實廣博

海客謾佔珠盈船欲賣明月一寸魄雖豪不肯售以錢
通都大邑忽辨寶直取不犯驪龍涎遂作照乘物矜夸
魏人前從茲十二車光彩生從先

送洪州通判何太博若谷先歸新淦

拜官江上客乘馬不乘船獨畏江龍浪將歸風雨天萬
花侵野徑源水入腴田君住巴邱下西山道路連

五月七日見賣瓠者

老圃奪天時馬通為照嫗四月彼種瓜五月此賣瓠陽

陂與糞壤功力且異趣瓜遲瓠何早豈不同雨露速利
乃在人爭先無晚暮

和江鄰幾景德寺避暑

蛭蟻不應雨鳴鳶不生風鬱氣若甑炊初陽如火紅裸
膚汗交流腠體膏將鎔龍頭費挹酌犢鼻彊遮蒙常畏
俗物來去避青蓮宮廣堂鋪琉璃高檐陰梧桐廊壁畫
地獄獄具鏤鋸舂鐵城何燄燄鐵牀亦彤彤誰知炮烙
死活間傳自西域黃面翁正類人世苦此熱聲利役使

上西東京師賢賃幾椽舍窮煎相似賂欲聾屋頭朝爨
作飲食枕底夕艾驅蚊蟲宜爾近巷江夫子賦詩特壓
塵土中

送趙諫議知徐州及

鹿車幾兩馬幾匹軫建朱幡騎鼓弓雨過短亭雲斷續
鶯啼高柳路西東呂梁水注千尋險大澤龍歸萬古空
莫問前朝張僕射球場細草綠蒙蒙

送邵戶曹隨侍之長沙

青袍會稽掾采服湘江行水館魚方美犀舟枕自清鷗
鵠啼欲雨蟬螭見還晴風土雖卑溼醇醪可養生

晨起裴吳二直講過門云鳳閣韓舍人物故作

五章以哭之

平生交友淚又哭寢門前魯叟不言命楚人空問天月
沉滄海底星隕太微邊莫恨終埋沒文章自可傳

使虜嘗專對江湖謫幾年始看還近侍遽此隔重泉沃
酒酒空滿託詞詞謾傳視予猶手足莫怪獨潸然

算數曾無據仁人亦莫聞
狼愚多至老蘭桂苦先焚
不竟千秋恨還如萬里分
臨風一號慟易散日邊雲

昔時賓宴地今見總幃遮
樓室那因鵬從杯不為蛇
曾無越人術竟起漢臣嗟
明日東城陌悲涼後部笳

曉陌行車過交相歎且驚
荀龍聞一蛻穆駿失全鳴
不復中書直空餘左史成
緒言猶在耳尚想見平生

聞高平公殂謝述哀感舊以助挽歌三首

文章與功業有志不能成
嘗以躋高位終然屈大名
遺

風猶可見逝水更無情歸卜青烏壘韓城苦霧中
京洛同逃酒單袍跨馬歸明朝各相笑此分不為稀公
既參鑪冶予將事蕨薇悲哀無以報有涕向風揮
一出屢更郡人皆望酒壺俗情難可學奏記向來無貧
賤常甘分崇高不解諛雖然門館隔泣與衆人俱

歐陽郡太君挽歌二首

夫人有賢子往歲謫夷陵欲使無愁鬱怡然見寢興外
詞陽磊磊內畏實兢兢隣壽復終賢共為時所稱

當時丈人歿雖少守孤兒以及成名譽何嘗厭蒹藜暮
年終饗福陰隲不應欺莫使碧江上獨傳陶母碑

依韻和石昌言學士求鼠鬚筆之什鼠鬚鼠尾
者前遺君謨今以松管代贈

江南飛鼠拔長尾勁健頗勝中山毫其間又有蒼鼠鬚
入用不數南雞毛二物緩急豈常獲捕刺徒爾操蠻刀
舊藏已贈蔡夫子報君松管何蕭騷

邃隱堂

大梁車馬地塵土飛百尺賢愚走其間朝暮不見迹北
望天波門垣垣宗室宅宗室令王孫愛書輕玉帛華宇
何深沉但聞列圖籍曲房有窈窕空自事眉額體胖生
粹和安石處崑石古來為善樂豈以歌鐘適

讀永叔所撰薛雲衛碣

文章如塗金光彩發美器所宜玉石間摹寫傳千祀堅
堅孝子心森森柏庭闕豈與石麒麟原仿關蒼翠

和石昌言以蜀牋南牋荅松竹之什

蟹螯抽轉龍鱗細秋兔束毫雞距尖揚子校經聊以贈
蜀麻江楮報何嫌

赤蠟辭送楊叔武廣南招安

南方赤蠟大若象潛荒穴洞人莫逢天公合雨不淒雨
從橫亂出將自封侵疆凌壞壞城市戰鬪億倍南柯雄
嘗聞穿山食此物此物既大非常凶張舌流涎莫可餌
枉啄不怕長戈森今令智者以智取即見蠍醢傳太宮
因而使知禍福理天子下令雲從龍

走筆戲邵興宗

子魚一尾不曾有又諾毘陵蒼鼠毫細粒吳杭誰下咽
尖頭越管底能操

送李中舍襲之宰南鄭

莫問襄中道路難襄陽直上幾重灘蒼煙古柏漢高廟
落日荒茅韓信壇出水槎頭一絲挂穿虹雨脚兩橋殘
土風大抵如南國期會先時俗自安

送王察推鎮之鄧州

昔向南陽憶洛陽秋橙初熟半林黃
車過白水沙痕闊鴈落鉗盧稻穰長
廢壘漢碑金刻字古原秦冢石為羊
太平羽檄何曾有賓主相歡菊薦觴

戲酬高員外鯽魚

天池鯽魚長一尺鱗光鬣動楊枝磔
西城隱吏江東客晝日馳來奪炎赫
冷氣射屋汗收額便教斫膾傾大白
我所共樂仲與伯美若赴約笑啞啞
持扇已見飛鸞翮欲往從之雲霧隔

送何濟川學士知漢州

丞相初得君有志重儒術乃言天下士徒此占清秩遂
懲銜鬻人忝冒十八七進君天祿閣此衆為第一又薦
王張韓恬可與君匹吾儕宜慙羞空自預朝韞欲歸無
田園彊住枉歲日值君乘高軒西望函谷出當時迎長
卿書史傳未悉車馳及襁負千萬今可詰老農喜君來
田租不忘率織婦喜君來縑機當俟畢府胥喜君來督
責去暴扶疾苦無不求前人唯法律畫錦榮旣浮康民

美方溢真為丈夫志豈是名過實

依韻和達觀師聞蟬

飲餘晨露吸餘風噪遍高枝為俗聾
欲比伯夷清已甚不餐周粟腹常空

依韻和杜相公謝蔡君謨寄茶

天子歲嘗龍焙茶茶官催摘雨前牙
團香已入中都府鬪品爭傳太傅家
小石冷泉留早味紫泥新品泛春華
吳中內史才多少從此純羹不足誇

依韻和接花

唯是圃人巧非關元化偏折條違物理遷豔得花權美女嫁寒壻醜株生極妍世間多妄合吾不謂之然

送石昌言學士

混混拍堤瓜蔓水軒軒銜尾挂牆船使君東下只朝夕父老走迎無後先古堞秋耕拾銅鏃長淮瀑雨入壕蓮鳴援舞鶴仍持去不憶承明夜直眠

書南事

大梁國南門驛騎方騰趨波波一何急蠻寇圍番禺番
禺本無備前賴魏大夫大夫築子城今得守以須兵雖
不滿萬閉壁堪指呼老幼轉木石壯健操矛弧廩庫得
以完日月不易圖城中舊無井魏鑿安輓轡魏由飛語
去不使立外郭古稱時有待淺薄皆謂紆曲突與爛額
看取報功殊

送吳照鄰都官還江南

霜前江水磨碧銅岸背菱葉翹赤蟲吳郎鬢絲蒼幾縷

不羞月上扶桑東羞見清波照人影去時黑髮吹春風
五年歸來婦應喜從此不問西飛鴻

馮子都詩

并序

漢霍光愛幸監奴馮子都與梁冀嬖奴秦宮事相對唐
李賀作秦宮長辭亦云子都當時已有詩予因補之

黃金畫車屋韋絮綠車輪牽以五采絲藉以刺繡茵出
入長信宮晝夜將誰親所親美且少玉頰丹砂脣殷羅
縫輕襦明珠攢縚巾半醉臥車中侍婢躡行塵憶昔廣

明亭將軍愛憐頻便房不使殉易寵在茲辰嗣侯喜驅
逐平樂多從賓青絲穿五銖累室貯百珍歡與子都異
矯與子都均用財糞土擲吐氣日月跋天地可齊久禍
患宜有因秋風茂陵下蒼蘚上麒麟

七月十六日赴庾直有懷

白日落我前明月隨我後流光如有情徘徊上高柳高
柳對寢亭風影亂疎牖我馬臥其傍我僕倦聞肘寂寂
重門局獨念家中婦乳下兩小兒夜夜啼向母問耶若

箇邊天性已見厚不嗟羈枕孤不愧棲禽偶內有子相
憶外有月相守何似長征人沙塵聽刁斗

采芡

蝟毛蒼蒼磔不死銅盤蟲蟲釘頭生吳雞鬪敗絳幘碎
海蚌口出真珠明磨沙漉水芋殼滑斫桂煮釜風波聲
齒如編貝嚼明月曼倩不復飢腸鳴莫論一斛賢與賤
堂上狼籍無由行

史氏南軒

庭中碧石盞上結三重山飛光入酒杯舞翠生髭鬚竹
林眠黃鸝莎徑欠白鷗主人無倦情窗戶不須關

送河北轉運使陳脩撰學士

河隍多宿兵兵食固所須幸時不戰鬪畜養安可無古
興十萬師七十萬家輟耕鋤今來歲調餉且與往昔殊
不使民轉輓但使民歸租急緩實塞下商賈以利趨關
西河東亦如此軍實雖足民費虛公乎抱長才當有所
畫謨應不貸內府重錦象牙明月珠邊城預自足寧待

臨帑輸莫令稱庭臣為言桑大夫

奉和寄宣州廣教文鑒師

秋池對門蓮子枯野壁剥月蝸涎塗庭中兩株古楠樹
上有山鳥長相呼當時聯巢接飛者一落梁宋一海隅
扶桑日枝幾千尺光彩不獨生陽烏

送陸介夫學士通判秦州

從來戎馬地饗士日椎牛介胄奉儒服詩書參將謀隴
雲連塞起渭水入關流豈似瀛洲下窮年事校讎

送徐君章祕丞知梁山軍

蒼壁東江流孤軍水上頭
蛟龍驚鼓角雲霧裛衣裘
午市巴姑集危灘楚客愁
使君才筆健當似白忠州

依韻和秋夜對月

陳王苑裏望空虛吳客風前憶具區
橫閣漸看河影轉繞枝還見鵲驚無
蟲催織婦機成素露逼鮫人淚作珠
才比陶潛無用處紗巾時任酒霑濡

宛陵集卷十五

欽定四庫全書

宛陵集卷十六

宋 梅堯臣 撰

和曹光道風拔三檜

飄風西北至樹苦萬繹牽君家三古檜
繇根龍地纏其固謂不拔朱欄擁青塼
今同秀林木摧倒誰復憐安得百力士
扶持尚可全慎勿伐作薪豈無庭燎然

飲劉原甫家原甫懷二古錢勸酒其一齊之大
刀長五寸半其一王莽時金錯刀長二寸半

主人勸客飲勸客無天妍欲出古時物先請射以年我
料孔子履久化武庫煙固知陶氏梭飛去風雨天世無
軒轅鏡百怪爭後先復聞豐城劒已入平津淵聊讎二
百載儻有書畫傳嗚呼纔十一便可傾觥船探懷發二
寶太公新室錢獨行齊大刀鐮形末環連文存半辨齊
背有模法圓次觀金錯刀一刀平五千其文精銅不蠹
如此
蝕肉好鉤婉全為君舉酒盡跨馬月娟娟

送嘉州監押曹供奉

測

舊友尹師魯嘗作送子文文存人已歿行復我何云平
時為郡尉遐方宜撫軍定過揚雄宅野鶴自成羣

荅仲原太傅八日遺酒

陶潛九月九無酒望白衣何言先一日雙榼忽我歸借
問遺酒誰天宗分日暉明當酌大斗黃菊羔醅肥李賀
諸王孫作詩字欲飛聞多錦囊句將報慙才微

送張生還和州

山頭孤石望來久天外行人今獨歸藥囊自有留生術

不管淮南木葉飛

李康靖少傅夫人挽詞二首

九月秋風急三川苦霧迷
卜邨新隧啓度輦短簫齊
寶劍知終合靈蟾已隕西
松門來會葬車馬幾千蹄
板輿曾至鄭靈輅此歸周
行哭人增慕凝笳月正秋
九原開祔穴故土覆新邱
歲晏寒松下茅苦孝子留

送韓文饒寺丞宰簫山

吳會未探穴廣陵先看潮
橫江百馬怒卷海萬壑踞舟

楫凌湍發魚龍接浪跳薄言增勇氣少當舉山瓢

蔡君謨示古大弩牙

黃銅弩牙金錯花銀闌線齒如排沙上立準度可省括
箭溝三道前直窠其度四寸寸五刻鍤光歷歷無纖差
蔡侯出此問誰得往年客遺來琅邪琅邪築城穿厚壤
旣獲磨洗爭傳誇莫知歲月孰製作精妙近世應難加
發機高下在分刻今人妄射功仍賒願侯擬之起新法
勿使邊兵死似麻

和劉原甫省中新菊

華省切星斗沉沉嚴燕房秋風茂陵孫種菊爛生光天
晴蝴蝶飛上下舞雙黃劉郎才筆豪移榻吟在倚日晚
吏已散殘景上粉牆有酒無飲伴掇英襟裾香還思陶
淵明棄官歸柴桑東籬獨此物盈把恨無觴賴有白衣
來好事遺壺漿適意各一時豈乏同舍郎

依韻和仲源獨夜吟

秋鴻聲澀秋絃苦塗金博山煙夜吐寂歷虛堂燈暈生

誰人共聽西窗雨

寄題周敦美琨瑤洞

仙人采玉驅雄龍列山剖璞青腔空因邃為堂曲為室
石乳溜壁光玲瓏仙歸龍去草樹長蔽翳不復人蹤通
指疆買墅下峰下洗斲務欲險怪窮地鱗鹿迹尚莫到
安問樵老諸牛童古人未得今已得萬景付與由天公
何當歸來飲頭角任從寶我生白虹陰溪淺水菖蒲綠
下有蝦蟇雙眼紅及時佐酒斫兩股勿使更入明月中

許生南歸

大盤小盤堆明珠海估眩目迷精麤斗量入貢由掇拾
未必一一疵類無不貢亦自有光價此等固知魚目殊
許生懷文頗所似暫抑安用頻增吁倚門老母應日望
霜前稻熟春紅稭歸來爛炊多釀酒洗蕩幽憤傾盆盃
九卿有命不愁晚朱邑當年是嗇夫

得沙宛楹棹戲酬

疾黎已枯天馬歸嫩蠟籠黃霜冒榦不比江南查柚酸

橐駝載與吳人看

寄題杭州廣公法喜堂

淘青研朱畫屋梁黃漆柏障連曲房日暉月色不須照
了了自可窺毫芒夕陰花歛似欲病飛鳥不驚烏帽郎
深山窮谷謾幽僻喜得吳儂是藥囊

題滿公僧錄西明軒

赤萍纔落鄧林外青銅半磨傷露明飛光斜入了不隔
坐臥一榻琉璃平西方古胡黃金質貝葉傳寫烏行橫

謂曉此教居此軒滿壁圖畫遙峰生

寄題撫州戴秀才息心亭

蒼蒼開幽林峰嶺日相對雲歸垂衣纓泉落響環珮仕宦雖有負耳目得以貸俯仰宇宙中晏然維進退

送臨江軍監酒李太博

三江界溼地北客宦遊稀霧氣多成雨雲蒸易損衣白醪燒甕美黃雀下田肥未辨殊方語山歌半是非

道損司門前日過訪別且云計程二月到郡正

看暗惡海棠頗見太守風味因為詩以送行

蜀州海棠勝兩川使君欲賞意已猛春露洗開千萬株
燕脂點素攢細梗朝看不足暮秉燭何暇更尋桃與杏
青泥劒棧將度時跨馬莫辭霜氣冷

送雪竇長老曇穎

朝從雪竇請暮卷雲衲輕莫問居士病自從他方行吳
霜點髭根海鳥隨衆迎安隱彼道場萬事都忘情

送襄邑知縣杜君懿太博

霜落水未落令君將度河農耕休叱耒女織罷鳴梭赤
幘驅亭長丹砂挈印窠無慙浚儀政才比陸雲多

送晉原喬主簿

太守登車時我病不能出遥期玩海棠度險馬屢叱唯
畏行邁遲惡欲及春日何為愛此花曾非桃杏匹生紅
濃復淺瘦蒂脩且密湖傍幾十樹雕盤擁新漆酒傾疏
璃盆月上歡未畢縣官同遠宦簿領無督詰刻意詠芳
菲追補李杜失

十一月十三日病後始入倉

曾非雀與鼠何彼大倉為狐裘破不溫黃狗補其皮霜
花逐落月綴在枯橐枝予年過五十瘦寢冰生肌

閔尚衣盜袴

昔聞廉叔度能使民多袴多袴非或貪持新不忘故嗟
嗟亦王官奚自門閥汙中府中紋綾袖之呼馬去左右
即其私邀索乃就捕三公出死狗訓導能有素今同竊
鈇者見爾皆此趣

胡夫人挽歌子哲

已哉胡夫人其壽七十餘其子哀母死一夕髭皓如髭
白髮亦白長號守茅廬扶棺埋吳雲來會傾市墟誰復
向寒月臥冰求鯉魚

裴直講得潤州通判周仲章鹹鼓遺一小餅

金山寺僧作鹹鼓南徐別乘馬不肥大梁賢人與年少
紅泥罌盎烏歸飛我今老病寡肉食廣文先生分遺微
贈裴直講水梨二顆言太歉荅吳甘三顆以為

誰人共聽西窗雨

寄題周敦美琨瑤洞

仙人采玉驅雄龍列山剖璞青腔空因邃為堂曲為室
石乳溜壁光玲瓏仙歸龍去草樹長蔽翳不復人蹤通
指疆買墅下峰下洗斲務欲險怪窮地鱗鹿迹尚莫到
安問樵老諸牛童古人未得今已得萬景付與由天公
何當歸來歛頭角任從寶我生白虹陰溪淺水菖蒲綠
下有蝦蟇雙眼紅及時佐酒斫兩股勿使更入明月中

許生南歸

大盤小盤堆明珠海估眩目迷精麤斗量入貢由掇拾
未必一一疵類無不貢亦自有光價此等固知魚目殊
許生懷文頗所似暫抑安用頻增吁倚門老母應日望
霜前稻熟春紅稭歸來爛炊多釀酒洗蕩幽憤傾盆盂
九卿有命不愁晚朱邑當年是嗇夫

得沙宛楹棹戲酬

疾黎已枯天馬歸嫩蠟籠黃霜冒榦不比江南查柚酸

橐駝載與吳人看

寄題杭州廣公法喜堂

淘青研朱畫屋梁黃漆柏障連曲房日暉月色不須照
了了自可窺毫芒夕陰花歛似欲病飛鳥不驚烏帽郎
深山窮谷謾幽僻喜得吳儂是藥囊

題滿公僧錄西明軒

赤萍纔落鄧林外青銅半磨倚露明飛光斜入了不隔
坐臥一榻琉璃平西方古胡黃金質貝葉傳寫烏行橫

謂曉此教居此軒滿壁圖畫遙峰生

寄題撫州戴秀才息心亭

蒼蒼開幽林峰嶺日相對雲歸垂衣纓泉落響環珮仕
宦雖有負耳目得以貸俯仰宇宙中晏然維進退

送臨江軍監酒李太博

三江界溼地北客宦遊稀霧氣多成雨雲蒸易損衣白
醪燒甕美黃雀下田肥未辨殊方語山歌半是非

道損司門前日過訪別且云計程二月到郡正

吳太博遺柑子

太學先生欺綠橘

裴如晦近有贈

吳興才士與黃柑黃柑似日

勝崖蜜帶葉初擎翠竹籃還料楚王曾未識徒將萍實
詫江南

和魯公賦東園十題

擷芳亭

結宇東園中種花待春風口歌金縷衣手折枝上紅今
日映綠髮他年羞青銅

清心堂

寂莫外物亂境清心亦清彼皆居深谷此獨處重城
夷齊食薇蕨千古首陽名

石筍

削出青山根峭立碧玉垂不作湘竹老不染帝子啼
不為盤中蔬豈與煙茁齊

待月亭

明月過三五飛出滄海遲佳人望清夜隔樹光離離不

須磔蝦蟇寒魄自有虧

虛白堂

空堂絕纖塵虛靜自生白長風吹月東窗戶如不隔漆
園茲趣深赤水珠難索

假山

太山不可歷石齒齧人足聊集怪與奇蒼蒼都在目何
須引寒流平地作溪谷

書齋

聖賢有事業皆在經籍中已愛牙作籤可輕山賜銅還
來讀詩禮不用辨魚蟲

小池

小池依小山山晴翠光入無容羣蛙鳴間有孤鶴立曾
不起波瀾石郵風自急

紫竹

西南產脩竹色異東筠綠裁簫映檀脣引枝宜鳳宿移
從幾千里不改生幽谷

山茶

紅蘄勝朱槿越丹看更大臘月冒寒開楚梅猶不奈曾
非中土有流落思江外

宛陵集卷十六

山茶

紅蘄勝朱槿越丹看更大臘月冒寒開楚梅猶不奈曾
非中土有流落思江外

宛陵集卷十六